

ARVIER

Perqué le pai vignon blan ?

Tcheu son qué - é eun moui lo crègnon ! - que le premie reugue su lo vezadzo é le premì pai blan su la tiha (la canisia, comme dion le spésialiste), son le premie marque de nouho coo que l'è eun tren de gnaì vioù.

La couleue di pai é de la pi iàn de la mélanina, eun pimàn produi pe le sellule de la pi.

Can le sellule a la baze de tsaque pai, produison pomé de mélanina, le pai vignon blan.

Le-z-albeun l'an la pi é le pai blan a coza de la mancanse de mélanina, eun consécance d'euna mutachón jénéteuca. Leue l'an étò le joé rodzo perqué la coroida, eunna di membrane di joé que manque de pimàn, reflète la lemii di petchoude vain-e di joé.

Le pai vignon blan pe de rèizoùn jénéteuque é ho pou capité pi vito i-z-eun que i-z-otre.

Le-z-Amérindièn l'an po hi tracà, vu que eun tchi leue son bièn pocca le plemó é hise di pai blan.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.cybersciences.com

Texte publié en 2009 dans « Mon Clocher », Paroisse de Saint_Sulpice - Arvier

Collaborateur de Arvier pour la traduction : **Daniela Millier**

La transcription a été soignée par le Guichet Linguistique

Mise à jour de la graphie : octobre 2013